



UNIVERSITÄTS-
BIBLIOTHEK
PADERBORN

Sacrarvm Antiqvitatvm Monvmenta

Hillesheim, Ludwig

Antverpiæ, 1577

Laus Sanctorum, præsertim Enoch, Noë, Abraham, Isaac & Iacob. Capvt
XLIII.

[urn:nbn:de:hbz:466:1-68887](https://nbn-resolving.de/urn:nbn:de:hbz:466:1-68887)

EX LIBRO ECCLESIASTICO
IESV FILII SYRACH.

Laus Sanctorum, præsertim Enoch, Noë,
Abraham, Isaac & Jacob.

CAPVT XLIV.

LAUDEMVS viros glriosos & paretes nostros
in generatione sua. Multam gloriam fecit Dominus
magnificentia sua à seculo. Dominantes in potestatibus suis homines magni virtute, & prudētia sua
prædicti nuntiantes in Prophetis dignitatē Propheta-
rum, & imperantes in præsenti populo, & virtute
prudentiae populis sanctissima verba. In pueritia sua
requirētes modos musicos, & narrātes carmina Scri-
pturarū. Homines diuites in virtute pulchritudinis
studiū habentes, pacificantes in domibus suis. Omnes
isti in generationibus gentis sue gloriam adepti sunt,
& in diebus suis habentur in laudibus. Qui de illis
nati sunt, reliquerunt nomen narrādi laudes eorum.
Et sunt quorum non est memoria; perierūt quasi non
fuerint; & nati sunt quasi non nati, & filij eorū cum
ipsis. Sed illi viri misericordiae sunt, quorum* pietates
non defuerunt. Et cum semine eorum permanet bona
hereditas, & nepotum ipsorum semen in testamento
stetit, & filiorū ipsorum semen propter filios in æter-
num manet: semen eorum & gloria eorum non dere-
linquetur. Corpora eorum in pace sepulta sunt, et no-
men eorum viuet in generationem & generationem.
Sapientiam ipsorum narrent populi, et laudem ipsorum
nuntiet Ecclesia. Henoch placuit Deo, & translatus
est in paradisum, ut det gentibus sapientiam. Noë in-

* Graci, Iu-
stitiaz non
sunt obli-
uioni tra-
ditaz.

Genes. 5.
Genes. 6.

F 3 uentus

uentus est perfectus iustus, & in tempore iracundie factus est reconciliatio. Ideo dimissum est reliquū terræ, cùm factum est diluuiū. Testamenta seculi posita sunt apud illum, ne deleri possit diluicio omnis caro.

Genes. 17.

Abraham magnus pater multitudinis gentiū, & non est inuetus similis illi in gloria. Qui conseruauit legem excelsi, & fuit in testamento cum illo. In carne eius stare fecit testamentum, & in tentatione inuenitus est fidelis. Ideo iureiurando dedit illi gloriam in gente sua, crescere illum quasi terræ cumulum, & ut stellas exaltare semen eius, & hereditare illos à mari usque ad mare, et à flumine usque ad terminos orbis terræ. Et Isaac eodem modo fecit, propter Abrahā patrem eius. Benedictionem omnium gentium dedit illi Dominus: & testamentum suum confirmauit super caput Iacob. Agnouit eum in benedictionibus suis, et dedit illi hereditatem, & diuisit illi partem in tribubus duodecim. Et conseruauit illi homines misericordie inuenientes gratiam in oculis omnis carnis.

Genes. 26.

Genes. 28.

De laudibus Mosis, Aaronis & Phinees.

CAPVT XLV.

Numeri 12.
Exodi 11.

DILECTVS Deo & hominibus Moses, cuius memoria in benedictione est. Similem illum fecit in gloria sanctorū, & magnificauit eum in timore iniicorum, & in verbis suis monstra placauit. Glorificauit illum in conspectu regum, & iussit illi coram populo suo, & ostendit illi gloriam suā. In fide & lenitate ipsius sanctum fecit illū, et elegit eum ex omni carne. Audiuuit enim eum, & voce ipsius, & induxit illum in nubem. Et dedit illi cor ad præcepta, et legem

vita